



18/04-2023

UPA 2023/85  
Emanuel Nûko, Naleraq

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

**Qanoq iliornikkut uumassusileqatigiiat nunanit allaneersut ajornartorsiutaanerata pinngitsoortissinnaanissaanut iliuseqartoqarsinnaanersoq, nunatsinni uumasooersut innarlerneqannginnissaat pillugu apeqquteqaat aallaavigalugu oqallisissiasatut siunnersuut.**

(Inatsisartunut ilaasorta, Aqqalu C. Jerimiassen, Atassut)

### **Oqallisissiamut oqaaseqaat.**

Aqqalu Jererimiassen apeqquteqaat aallaavigalugu oqallisissiamut soqutiginarumut saqqummiusannut qujanaq.

Nunarput tamaat takussaagaluttuinnarput canadap nerlerit tamanullu siaruaakkiartuinnarluni, siornatigut qaqutigooraluarluni maannakkut upernariartorneraniit takussaalertarput ukiarluarnissaata tungaanut.

Uanga nammineq aggerfiga taassagaanni Kalaallit Nerlerinik inangijartorneq annertusiartorpoq siornatigummi Kalaallit nerlerisa manniliortarfii ullumikkumut takussaapput Canadap nerleri qeqertami manniliortalersimasut Kalaallillu nerleri takussaajunnaavissimallutik ukiuni kingullerni.

Mannissarsinnaanerit ammaannerulersinneqarnerunissaat Naleqqamiit taakkartortuarpagut, taamaattumik timmissani pineqartuni mannittarsinnaanerit amma ammaattariaqartutut pingaaruteqarlunnarpoq, nunatsinnimmi uumasogatigiijaat illersorneqassappata Canadap nerleri piniagaanissaannik taamatullu mannissarfigineqarsinnaanissaannik ammaassinerusariaqartugut isumaqarpunga.

Assersuutaasinnaasut mitit nunatta kangiani aqussinnaanngisatsinnik amerliartupiluuginnavippat atorluarneqaratillu, tassa mannissarsinnaaneq aammalu qiviuisa katersorneqarsinnaanerit taamatullu piniarneqarfiat killilersugaangarmata piniagaalerlutillu mattunneqartuartaramik, taamaattumik nunarput pinngortitaq aallaavigalugu pisassiisoqartarnissaanut kissaateqarnarpoq nunarpummi isorartooruullunilu sila pissusaa allaaneruserneri misissorneqartariaqartut, nunarput immikkuullarissunik aallaaveqarput sikusartoqarput aammalu sikorsuaqartarpoq nunatta ilarsua.



# Naleraq

Maannakkulli Canadap nerleri nunatsinni tamani takussaaleralluttuinnarlutik soorlulusooq timmissanut allanut soorlu Kalaallit nerlerinik inangijartornerat ersarissiaruinnartoq, nunatsinnilu uumasooqatigiit takornartanit uumasunik inangerneqannginnissaannik aaqqissuisariaqarpugut.

Taama naatsumik oqaaseqarlunga oqallisissiamut saqqummiisoq qujanaq.